

‘उद्यमके डगर: महिलाके हातमे नयाँ सम्भावना’

किसान बहुउद्देश्यी सहकारी हसुलिया इकाईके ३१औं वार्षिक साधारण सभा

पहुरा समाचारदाता
धनगढी, २५ अगहन । बिहानीके घामसँगै जगटी बा, मनिषा चौधरीके नयाँ बिहान-मिनेट-मिनेट गनके काम सुरु कैना मजदूर जीवन नैहो, अपने कौशल ओ पसिनामे टिकल उद्यमके बिहान । अब्बे उहाँ टायल-मार्बल फिटिङमे दक्ष उद्यमी हुइत । महिनामे ४०-५० हजारसम आम्दानी हुइत । कबु नैसुनल रहिट, कबु विश्वास करल नैरहिट- ‘महिलासे यैसिन कामफे करे सेक्की ।’ मने आज उहाँ उदाहरण बनल बटी ।

यिहे परिवर्तनहे मूल रूप डेहठ-धनगढी उपमहानगरपालिका ओ गोदावरी नगरपालिकाके सहकार्यमे सञ्चालित गैर-परम्परागत उद्यमशीलता विकास परियोजना । मुक्त कैमैया महिला विकास मञ्चसे नेतृत्व करल यी परियोजनासे यी बेला परिवर्तनके सयौं कथाके बौचा फुलैटी बा ।

परियोजनाके वार्षिक सामाजिक लेखापरीक्षण सम्पन्न हुइलसंगे उ कथाके ओजदार सतह फेर एक चो सार्वजनिक हुइल बटै । परियोजना साधारण राहत कार्यक्रम नैहो-यहाँ महिलाहे आत्मनिर्भर बनैना, सीप डेना ओ व्यवसायिक विकल्प निर्माण कैना प्रयास बा । परम्परागत तालिमसे दुर जाई खोजल बा, टबमारे परियोजनाके नाममे ‘गैर-परम्परागत’ जोरल बा ।

गैल वर्ष, परियोजनासे ४२ जनहनहे सीप तालिम डेहल ओ ३९ जनहाहे व्यवसायिक सामग्री बा रकममार्फत उद्यम सुरु करडेहल । कुहीहे सिलाइ-कटाइ मेसिन, कुहीहे टनेल, कुहीहे कम्पोस्ट मल उत्पादनके सामग्री, टे कुहीहे घर निर्माणके औजार ओ आर्थिक सहयोग, प्रत्येक सहयोगसे एक ठो नयाँ सम्भावना जन्माइल बा ।

परियोजना संयोजक इन्द्र चौधरी कहै- ‘हमे महिलाहे उद्यमी बनाइसेकल बटी, मने एक ठो चुनौती डेखल बा-सहयोग पाइतसम व्यवसाय चलैना, सहयोग रोकेबेर छोरडेना प्रवृत्ति ।’

उहाँके अनुसार सफल उद्यम केवल सामग्रीसे नाही, दीर्घ प्रेरणा ओ बजार-पहुँचसे सम्भव हुइत । टबमारे अब्बे परियोजना ‘फोलो-अप’, ‘उद्यम परामर्श’ ओ ‘स्थायी व्यवसायिक योजना’ जैसिन पक्षमे ढेर केन्द्रित हुइत ।

मनिषाके कथा: हातमे सिमेन्ट, मनमे आत्मविश्वास

मनिषा चौधरीहे लग्गसे हेना हो



कलेसे, उहाँ परिवर्तनके जीवित पाठ हुइत । उहाँ कहटी, ‘पहिले ठेकेदारसँग मिलके घर निर्माणमे काम करी । मेहनत ढेर, कमाइ कम । रोजगारी मेलामे तालिम पाइलपाछे नयाँ डगर खुलल हस हुइल ।’

उहाँक कथा सरल बा, मने गहिर । तालिमपाछे उहाँ टायल-मार्बल फिटिङ सिख्ती । काम सुरु करलपाछे आम्दानी स्थिर हुई लागल । परिवारसे उहाँक काममे गर्व करे लगल ओ एक दिन परियोजनासे उहाँहे छ हजार तीन सय ७५ रुपैयाँ सहित सम्मान करल-कम रकम, मने भारी पहिचान ।

आज मनिषा घरमे नक्सा नक्काशी कैना काम करटी । छिमेकी महिलाहुके उहाँहे ‘काम सिखाडि’ कहिके भ्याइ-नभ्याइ अडै । आत्मविश्वासके उचाइ बढटी गैल उहाँ महसुस करटी ।

परियोजनाके गतिविधि हेर्न उपमहानगरपालिकाके उपप्रमुख कन्दकला राना स्वयं उहाँक कार्य क्षेत्रमे पुगली । उहाँ कहटी- ‘हमे बुधके फिल्ड अनुगमन करली, बिफेक रोज लेखापरीक्षण । किसानहुके मजा फाइदा पैले बटै । महिलाहुके नयाँ-नयाँ सीपमे आघे बढटी रहल बटै । महिलासे अब जा फे करेसेक्के कना वास्तविकता पुष्टि हुइटी बा ।’

उहाँक अनुसार उद्यमशीलताके लाग स्थानीय सरकारसे निरन्तर प्रतिनिधि तथा प्राविधिक सहयोग उपलब्ध करैटी रहल बा । उद्यमशीलताके पंक्तिमे महिलाके उपस्थिति बहना केवल आर्थिक परिवर्तन नैहो- सामाजिक धारणाके परिवर्तनफे हो । विगतमे ‘पुरुषके काम’ मन्ना टायल फिटिङ,

मार्बल कटिङ, टनेल खेती वा निर्माण-सम्बन्धी काम अब्बे महिलाके सीप सूचीमे विस्तार हुइटी बा ।

सिलाइ-कटाइ मेसिन पाइल दुसर सहभागी बटैटी- ‘पहिले खर्च चलैना धी-धी रहे । अब्बे घरके काखमे बैठके कैमै । छाईहुकनके लाग मजा उदाहरण बनल महसुस हुइत ।’

अस्टे, कम्पोस्ट मल उत्पादनमे सहयोग पाइल समूहके महिला कहै- ‘हम्रहिनहे आब मल केल्ह नाही, बजारके सिकाइफे चाहि । उत्पादन मजा बा, अब विक्री व्यवस्थापन सुदृढ हुइलेसे जीवन भन्न बदलि ।’

यिहे सूक्ष्म आवाजसे परियोजनाके उपलब्धि केल्ह नाही, अभिन कैना बाँकी कामके सूचीफे उजागर करट ।

धनगढी ओ गोदावरी नगरपालिकाबीचके सहकार्य परियोजनाके मेरुदण्ड बनल बा । सरकारी संरचनासँगै समुदायके महिला समूह, सहकारी, स्थानीय अगुवा सक्कु जाने उद्यमशीलता वातावरण निर्माणमे हात मिलाडेहल बटै ।

वित्तीय हिसाब-किताब केल्ह परियोजना सफलताके सूचक नैहो । मने सामाजिक लेखापरीक्षणमे आइल पारदर्शिता, गतिविधि-प्रभाव ओ लाभग्राहीके अनुभवसे यी परियोजना ‘सफलताके कथा सिर्जना कैना कारखाना’ बन्ना संकेत डेहठ ।

अन्त्यओर उद्यमके डगर नम्मा बा मने सम्भावनासे भरल सामाजिक लेखापरीक्षणसे कागजके अंक केल्ह नाही- यी परियोजनासे खुलल नयाँ जीवनके ढोकाफे डेखाइत । मनिषा जस्टे महिला अपन जीवन बदलैटी बटै । सहकारी

समूहसे नयाँ उत्पादन पथ आघे बढैटी बटै । स्थानीय तहसे महिलाके हातमे सीप ओ सम्भावना थमाडेटी बा ।

उद्यमके डगर कबु सहजुल नैरहठ-मने जब महिला, समुदाय ओ स्थानीय सरकार एक्के दिशामे नेग्टे, डगर स्वतः फरछवार हुइटी जाइत । धनगढीके यी कथा केवल व्यक्तिगत सफलता नाही- यी ग्रामीण समाजसे परिवर्तनहे आत्मसात् करल संकेत हुइत ओ यी महिलाहुके बुझसेक्के- ‘सशक्तिकरण सहयोगसे सुरु हुइत, मने आत्मनिर्भरता अपने हातसे निर्माण करट ।’

ओस्टेक करके गैर परम्परागत क्षेत्रमा महिला उद्यमशीलता विकास परियोजनाके वार्षिक सामाजिक लेखा परिक्षण कार्यक्रम मुक्तकैमैया महिला विकास मञ्चके कार्यक्रम संयोजक इन्द्र चौधरीके अध्यक्षतामे हुइल रहे । कार्यक्रममे प्रमुख अतिथि धनगढी उपमहानगरपालिकाके नगर उपप्रमुख कन्दकलाकुमारी राना रहिट । कार्यक्रममे मञ्चसे संचालन करल गैर परम्परागत क्षेत्रमा महिला उद्यमशीलता विकास परियोजनाके अधिकृत पदमराज जोशी परियोजना कैगिल गतिविधिबारे प्रस्तुतीकरण कारण रहिट । कार्यक्रममे मञ्चके अध्यक्ष सीमा चौधरी, मञ्चके परियोजना अधिकृत प्रदीप चौधरी, जेमान साउँद, धनगढी उपमहानगरपालिकाके टमान शाखाके प्रमुख, तथा उद्यमीहुकनके सहभागिता रहे ।



पहुरा समाचारदाता

धनगढी, २५ अगहन । किसान बहुउद्देश्यी सहकारी संस्था लिमिटेड हसुलिया इकाईके ३१औं वार्षिक साधारण सभा बिफेक रोज सम्पन्न हुइल बा ।

कैलारी गाउँपालिका उपाध्यक्ष भगवतीकुमारी चौधरीके प्रमुख आतिथ्यतामे हुइल कार्यक्रममे उहाँ यी सहकारीके सामाजिक क्षेत्रमे अतुलनिया भूमिका निर्वाह करल बटैली । यी सहकारी नाफामूलकसंग सेवामूलक कामफे करटी गैलक कारण यकर विश्वासनिता बहल बटैली । सहकारीहे आघे बहाइक लाग शेयर सदस्य तथा बचतकर्ताहुकनके महत्वपूर्ण भूमिका रहल बटैली ।

कार्यक्रममे दिपेन्द्र माविके प्रअ विनोद भट्टराई यी सहकारीसे सक्कु वर्गहे समेटल बटैलै । उत्कृष्ट विद्यार्थीनहे

सम्मान कार्यक्रममे प्रोत्साहन बहनाके साथे पहाईमे टेवा पुगना उहाँ बटैलै । सहकारीसे एकल महिला, अपाङ्गता रहल व्यक्तिहुकनफे आर्कषक सेवा प्रदान कैना मजा पक्ष रहल बटैलै । कार्यक्रममे पत्रकार प्रेम चौधरी, उ सहकारीके ३०औं वार्षिक साधारण सभा प्रतिनिधि सदस्य सीतादेवी चौधरीलगायत मन्तव्य राखल रहिट ।

कार्यक्रममे सहकारीके लेखा तथा सुपरीभिजन विभाग प्रमुख प्रकाश कुमार जि.सी. संस्थाके बारेमे जानकारी डेहल रहिट । कैलालीके लम्की चुहा नगरपालिका-१ लम्कीमे २०५२ साल कार्तिक १७ गतेक दिन २५ जाने शेयर सदस्य, कुल पुँजी रु. ६० हजार ३ सयसे सुरुवात करल यी सहकारीके २०८२ कार्तिक मसान्तसमके वित्तीय विवरणमे शेयर पुँजी करिब (बाँकी ३ पेजमे)

विजुलीको सुरक्षित प्रयोग गरौं ।

- ❖भिजेको वा चिसो हातले विजुलीको तार तथा उपकरण नचलाऔं,
- ❖बालबालिकाले भेट्ने गरी विजुलीका तार तथा सकेट नराखौं,
- ❖पुराना तथा नाझो तार तत्काल मर्मत गरौं,
- ❖ओभरलोड हुने गरी विजुलीको प्रयोग नगरौं,
- ❖आगलागी भएमा तत्काल मुख्य स्विच बन्द गरौं,
- ❖जाडो मौसममा हिटर वाल्दा कोठामा पर्याप्त हावा छिर्ने व्यवस्था मिलाऔं,
- ❖रातीको समयमा हिटर बन्द गरेर मात्र सुतौं ।

सावधानी अपनाऔं, सुरक्षित रहौं ।



**नेपाल सरकार
विज्ञापन बोर्ड**






मंसिर २६



PRAMOD KHAREL & प्रभुपरा

सुदूरपश्चिम महोत्सव २०८२

समुद्र सुदूरपश्चिमको लागि, आर्थिक समृद्धि

सहभागी बनौं, अवलोकन गरौं, सफल पारौं

धनगढी उप-महानगरपालिका-१, पशुपतिटोल

स्माईल चौधरीसे प्रकाशित

सठपाढक : प्रेम चौधरी (९८४८४२२२०७)

कार्यकारी सठपाढक : राम दहित (९८४८४९४५१८)

भाषा सल्लाहकार : दिलबहादुर चौधरी

पहुँचा सठपाढक : कृष्णराज सर्वहारी

कागुली सल्लाहकार : अधिवक्ता जोहारीलाल चौधरी

व्यवस्थापन सल्लाहकार : राजकुमार चौधरी

प्रधान कार्यालय: धन.पा.- ८, शिवनगर, कैलाली (नमस्ते सहकारी भवन)

मसुरिया शाखा: दिनेश दहित (९८१२६४१६०१)

हसुलिया शाखा: नरेन्द्र चौधरी (९८८५४३०३६)

पहलमानपुर शाखा: जीवन चौधरी (९८४७५०१८८७/९८२५६२९३०५)

प्रधान कार्यालय धनगढी

E-mail: dailypahura@gmail.com,

Website: pahura.com

मुद्रक : समेजी अफसेट प्रेस, बेहडी, धनगढी

हत्या आरोपमे एक पक्राउ

पहुरा समाचारदाता
धनगढी, २५ अगहन । बर्दियामे एक युवकके गोली मारके हत्या करल आरोपमे प्रहरी दाङके महावीर चौधरीहे कैलालीके कैलारी गाउँपालिका-१ मंभरासे पक्राउ करले बा ।

जिल्ला प्रहरी कार्यालय ओ बर्दिया प्रहरीके संयुक्त टोलीसे बिफेक सकारे पौने ३ बजे मंभराके एक खाली घरमे सुटल अवस्थामे चौधरीहे पक्राउ करल हो । जिल्ला प्रहरी कार्यालयके प्रहरी निरीक्षक कैलाशसिंह विष्टके अनुसार बर्दिया घटनापाछे फरार चौधरीहे प्रहरी बन्वामे समेत खोजल रहे । रात एकठो खाली घरमे सुटल अवस्थामे उहाँहे पक्राउ करल विष्ट बटैलै ।

चौधरीउपर पेस्तोलसे गोली मारके दाङके तुलसीपुर नगरपालिका-५ के २८ वर्षीय निरज चौधरीके हत्या करल आरोप लागल बा । उहाँ लुम्बिनी प्रदेशके

पूर्व मुख्यमन्त्री डिल्लीबहादुर चौधरीके सहोदर भैया हुइट ।

अँटवारके बर्दियाके राजापुर नगरपालिका-४ मे रहल हमार थारु घर एण्ड थारु रेस्टुरेन्टमे सकारे ११ बजे ओर चौधरीमे गोली प्रहार हुइल रहे । गोली प्रहार घटनाके मुख्य अभियुक्त रहल कहल हमार थारु घरके संचालक चौधरी घटनापाछे फरार हुइल रहिट । उहाँ कैलालीमे नुकल कना बर्दिया प्रहरीसे डेहल सूचनाके आधारमे डुनु जिल्लासे खटल प्रहरी टोली पक्राउ करल प्रहरी निरीक्षक विष्ट बटैलै । पक्राउ परल चौधरीहे सक्करही बर्दिया लैगल बा ।

उहाँ बन्वामे एकठो रुखामे नुकाके राखल पेस्तोल प्रहरी बरामद करले बा । ओस्टके, नम्बर प्लेट उल्लेख नैरहल मोटरसाइकलसमेत बरामद हुइल जिल्ला प्रहरी कार्यालय जानकारी डेले बा ।

भरुवा बन्दुक फेला

पहुरा समाचारदाता
धनगढी, २५ अगहन । कैलालीमे बेवारिसे अवस्थामे १ थान भरुवा बन्दुक फेला परल बा ।

कैलालीके भजनी नगरपालिका-९ गन्जहुवा स्थित सरस्वती सामुदायिक बन्वा भिट्टर लम्की टल्वाके किनारमे रुखाक टोट्कोमे एक

नाले भरुवा बन्दुक एक थान लुका छिपाके राखल अवस्थामे फेला परल प्रहरी जनैले बा ।

उक्त बन्दुक इलाका प्रहरी कार्यालय भजनी, कैलालीसे खटल प्रहरी टोली फेला पारके नियन्त्रणमे लेहल जनाइल बा । उ सम्बन्धमे अनुसन्धान हुइटी रहल प्रहरी जनैले बा ।

संधियारको नाममा जारी १५ दिने सूचना

यस उपमहानगरपालिकाको वडा नम्बर ७ मनेहराटोल स्थित किताा नं. ४५७ क्षेत्रफल ४२४ वर्गमिटरमा भवन निर्माण गर्ने घरधनी श्री वसन्ती देवी जोशीले यस उमनपामा पेश गरेको नक्सा बमोजिमको भवन निर्माण गर्न संधियारको नाममा सूचना प्रकाशित गरिएको छ । निवेदन साथ पेश हुन आएको प्रमाण र नक्साको आधारमा निर्माण स्वीकृति दिँदा तपाईंको जग्गाको हानिनोक्सानी हुन्छ, हुँदैन, सन्धि सर्पन हानिनोक्सानी हुने भए यो सूचना प्रकाशित भएको मितिले १५ दिनभित्र सबुत प्रमाणसहित नगरपालिकामा उजुर गर्न सुचित गरिन्छ । अन्यथा कानून बमोजिम नक्सापास भै जाने व्यहोरा सम्बन्धित सबैको जानकारीको लागि अनुरोध छ ।

१. निर्माण निमित्त प्रस्तावित जग्गाको चार किल्लाको विवरण

पूर्व: आकाश जोशी

उत्तर: मुनादेवी सिंह

पश्चिम: सडक

दक्षिण: पदमराज जोशी

धनगढी उपमहानगरपालिका

नगर कार्यपालिकाको कार्यालय, धनगढी, कैलाली

डिवश ड्राईभिङ सेन्टर

दक्ष चालक बना सक्नु सैद्धान्तिक तथा व्यवहारिक ज्ञान देना प्रयास हमार, सफलता अपनैके ।

सीप सिक्की, स्वरोजगार बनी विद्यार्थी ओ गुपुमे अउईयाहुक्रनहे विशेष छुटसहित...

हमार यहाँ दक्ष प्रशिक्षकहरुनसे मोटर साईकल, स्कुटी, कार, जीप ग्यारेन्टीके साथ ड्राईभिङ सिखैनाके साथै फोटोग्राफीके सुविधा समेत उपलब्ध बा ।

नोट: साथै दुरसे अउईया विद्यार्थीनके लाग बैट्ना व्यवस्था समेत उपलब्ध बा । समयमे सक्कु सिकाए विद्यार्थीहुकनहे सम्पर्क कैना सहर्ष जानकारी कराइटी ।

धनगढी, चटकपुर कैलाली फोन. ०९१-४१०२३७ मो.९८४८४३९६८५

पाठकवर्गसे अनुरोध

प्रिय पाठकवर्ग, पहुरा मिडिया प्रालिसे सन्चालित पहुरा दैनिक ओ पहुरा अनलाइनमे हमार सकेसम थारुपन लन्ना कोशिश जारी बा । विचार पेजमे थारु लगायट अन्य जनजातिकके आवाज हमार पहिला प्राथमिकता हो । अपन मनेम लागल उकुसमुकुस बाट अपनेनके फे लिख्के पठाइ सेकि । अपनेक विचार लम्मा हुइ परठ कना नइ हो । आइ कलम पक्रि, अपन मनक बाट ढेरसे ढेन जनहन बाँटि । पहुरा अनलाइनमार्फत अपन बाट संसार भर पुगाइ ।

-सम्पादक

युवापुस्ताके सुनौलो सपना

काठमाडौँके एक क्याफेमे २२ वर्षीय युवती समीक्षा साथीसँग बहसके क्रममे चिया पियटि । जेकर काँधमे देश बोकल सपना बा । लम्मा सुस्केरासँगै कलै, “देश ठिक बा कनाहे महिनेहे ठिक नैहो जस्टे लागठ । मै नयाँ नेपाल हेरे चाहल मने उ नेपाल अभिन जन्मल नैहो । हप्ने जन्मे नैसेकल सपनाके पेटभित्रे थुनल बच्चा जस्टे बटि ।” मै फेन लगगेक ओरे टेबलसे सुनल रहे । यी वाक्य केवल व्यक्तिगत पीडा नैहो । पुस्तौँ पुस्ताबिचके सामूहिक मनोदशा हो । जेनजी विद्रोहपश्चात् अनुभव करटिरहल निराशा हो । अवसरके देश खोजि भागल मनैके मनोदशा हो । यी देश कब बनि । हरेक आन्दोलनपाछे काहे डर, द्वन्द्व विभाजन ओ अस्थिरतामे किल बाँच्छि हप्ने ।

औरे संघरिया मञ्जरीके फेन प्रश्न केवल ओकर भ्रम नैहो, पूरे नेपाली जनमानसके सामूहिक मनोदशा हो । देश परिवर्तनके मोडमे बा । मन परिवर्तनके संक्रमणसे ग्रसित बा । आस्थाके धरोहरके जग भूकम्पके परकम्पसँगै चर्कल बा । मठमन्दिरके पखाल हिलल बा । चर्कल मन आगीक रापसे पि्लसल गैल बा । आँखी खोलि बढलसे ढाकल जस्टे अन्धकार बा । पाइला सारे खोजल गन्तव्यविहीन मोड बा । ठिंग रहिके जमिन भासल जस्टे खाडल । मनभित्तर असह्य वेदना ओ छटपटी । यिहे पीडाहे मनोवैज्ञानिक पीडा कहिजाइठ । नयाँ नेपाल जन्मैना प्रसव पीडा सायद अस्टे हुइना हुइ ।

मनभित्तरके अन्तरद्वन्द्वहे शान्त परना समीक्षासे टिभी खोलठ । स्क्रिनमे देखठ राजनीतिक वाक् युद्ध । मन्त्री ओ प्रधानमन्त्रीके कुर्सिमे बैठना भागदौड लिगलिगकोटके दौड जस्टे दौरके के पहिले पुगि ओहे राजा । ऊ अशान्त मनके छटपटी मैतैना टेबुलमे रहल पत्रिका पल्टाइठ । वहाँ फेन ओर ढेर छरपस्ट पार्टी बिचके जुहारी ओ अन्तरद्वन्द्व । एक पार्टीसे ओरे पार्टीके व्यक्तिबिचके कडा वाक् युद्ध यहाँ फेन । पार्टी फूटैना ओ जोरल होडबाजी । एक पार्टीबिच कुर्सी ओ सत्ताके लाग व्यक्ति लक्षित शब्दवाणके अस्त्र प्रहार । जनमानसके अन्तरमनके द्वन्द्व यथावत् । जोन जोगी अइले फेन कान चिरल नेपाली उखानके परिभाषासे जकडल मनोभावनासे ग्रसित । यी मनोवैज्ञानिक संक्रमणभित्रे सिंगो संसार हेराइटा ? पुरान राजनीति संस्कृति ओइलइटि मरटि बा मने नयाँ ओर जन्मल नैहो । प्रसव पीडाके वेदनामे छटपटाइल जस्टे ।

साइचाइके सागर डुबरल निराशाके सास फेरटि बैठल निशा भस्कठि । ढोका बाहिरके ढकढकके आवाजसँगै संघरिया मनिषाके प्रवेश हुइठ । उ कठि, “आब नेतासँग आश नैहो, संविधान टे बा मने व्यवहारमे नैहो । देश डर ओ अनिश्चिततामे बाँचल बा ।” मनिषाके वाक्य एक सामान्य युवतीके गुनासो किल नैहो । एक पुस्ताके मनोवैज्ञानिक प्रतिक्रिया हो यी । नेपालमे जन्मल आजके वास्तविकता राष्ट्रहित से व्यक्तिगत खेलमे व्याप्त बा । यिहिनसे नागरिकमे सामूहिक भय जन्मल बा । समाज परिवर्तनके

सबसे कठिन चरण राजनीतिक वा कानूनी रूपान्तरण नैहो, यी टे मनोवैज्ञानिक रूपान्तरण हो । नेपाल अब्बे हि कठोर चरणमे बा ।

जेनजी आन्दोलनसे नेपालमे लैंगिक समानता, अधिकार, चेतना, महिलाके स्वतन्त्रता ओ पितृसत्ताके चुनौतीहे और बलगर बनाइल बा । यी सामाजिक न्यायके माग डिजिटल युगके खुलापन ओ तेसर पुस्ताके विद्रोह हो । अइसिन चुनौतीसे समाजहे मानसिक रूपमे अस्थिर ओ अनिश्चित बनाइल बा । समाजमे

मुद्दा सार्वजनिक हो । समाज अपन सुरक्षित नैरहल मनोवैज्ञानिक निष्कर्ष निकरना । राज्यप्रति अविश्वासके संरचनाके घेरा बहना । अइसिके मनमे परल चोट गाढा हुइना मनोवैज्ञानिक असर हो । जेकर त्रास एक चोमे नैहुटठ । यकर असरसे फैलल त्रासके जरा उखारे नैसेक्ना मेरिक गाडल रहठ । परिणामस्वरूप आजके समाजके निर्माण हुइल बा ।

यी आन्दोलनसे समानता, आवाज ओ न्यायके लाग डगर टे खोलल ।

यी आन्दोलनसे समानता, आवाज ओ न्यायके लाग डगर टे खोलल । समाजमे गहिर मनोवैज्ञानिक आतंकके समय भित्राइल । यी संक्रमणके समयमे आमजनमानस त्रसित, संवेदनशील ओ तनाव ग्रस्त डेखाइल बा । जेनजी विद्रोहसे नेपालमे समानता स्वतन्त्रता ओ आवाजके क्रान्तिकारी ढोका टे खोलल मने साथमे सामाजिक संरचनामे हुइल तीव्र परिवर्तनसे सकारात्मक परिवर्तनसँगै अदृश्य मनोवैज्ञानिक आतंक फेन सिर्जना करल । यी आतंक केवल व्यक्तिके किल नैहोके पूरे समाजके मानसिक संरचना हिलल अवस्थामे पुगाइठ । यी परिवर्तनके बिचमे समाज ओ व्यक्तिके गहिर मनोवैज्ञानिक संक्रमण बा । जहाँ ममनै रहै, अपराधबोध, असुरक्षा ओ अनिश्चिततामे बाचल बा । समानता ओ अधिकार स्थापना हुइना किल अन्तिम लक्ष्य नैहो । मनोवैज्ञानिक शान्ति, विश्वासके पुनर्निर्माण जेनजी आन्दोलनपाछेक सबसे भारी चुनौती हो । यिहे आवाज लाखौँ युवाके आवाज हो । यिहे आवाज राजनीतिक संक्रमण, सामाजिक द्वन्द्व ओ मानसिक पीडा सब पार कैके जन्मल आवाज हो । टबेमारे मनोवैज्ञानिक संक्रमणकाल उ प्रसव पीडा जस्टे हो । यी जन्मल बा । निशा ओ मन्जरी जस्टे युवा पुस्ताके नयाँ चेतनाके नेपालमे जन्म हुइटा ।

राजनीतिक अस्थिरता, मूल्य विस्थापन, लैंगिक क्रान्ति, युवाविद्रोह अविश्वास ओ तनाव यी सब नयाँ नेपालके जन्म आगेक प्रसव पीडा हो । संक्रमणके पीडा हो । परिवर्तन, संघर्ष ओ चेतनाके प्रसव पीडासे जन्मठ । नेपाली समाजके मनोभूमिमे एक अदृश्य भूकम्पके पराकम्प चलल बा । मानी हप्ने सक्कु एक भारी परिवर्तनके प्रसूति कक्षमे बटि । नयाँ नेपाल जन्मी । जन्मल बच्चा स्वस्थ हुइ कि नैहुइ ? जन्मि कि बाँची ? कौनो निश्चित नैहो । अपन भावना व्यक्त करठि निशा । पुस्तौँपुस्ताके सामूहिक मनोदशा हो, यी जोन डाइक गर्भमे बा । जन्मना बाँकी बा । बच्चा जन्मनाआधे डाइक शरीर टाटुल जस्टे । मनोवैज्ञानिक डरके द्वन्द्वसे देशके हरेक संरचना टाटल जस्टे जनतामे अगिन्डाहके वेग बा । युवाबिच जिम्मेवारीके पहाड बा । राष्ट्रके सेवकमे आत्मबलके कमी मौलाइल बा ।

सकारात्मक ओ नकारात्मक दुनु असर पुगैले बा । हरेक आन्दोलनपाछे आमजनमानसके मनोभावना त्रसित हुइठ । जेनजी आन्दोलनपश्चातके जनमानसके गहिर मनोवैज्ञानिक तनाव उत्पन्न हुइल बा । जोन आजके समाजमे स्पष्ट डेखाइल ।

काहे जनमानस आज फेन आतंकित बा । यकर गहिराइ नाघन टे नैसेकाइठ । मनैके अपन मनके गहिराइ ओ अन्तरमनके जर कहाँसम फैलल बा पटा नैरहठ । पितृसत्ता भसक्के समाजमे दृष्टिके मनोवैज्ञानिक असर परना । नयाँ पुस्ता ओ पुरान पुस्ताबिचके मूल्य ओ मान्यतामे टकराव उत्पन्न हुइना । डिजिटल प्लेट फर्मसे बहल हेरेसमेन्टसे महिला ओ पुरुष दुनुमे त्रास बहना । सामाजिक, मानसिक ओ मनोवैज्ञानिक

समाजमे गहिर मनोवैज्ञानिक आतंकके समय भित्राइल । यी संक्रमणके समयमे आमजनमानस त्रसित, संवेदनशील ओ तनाव ग्रस्त डेखाइल बा । जेनजी विद्रोहसे नेपालमे समानता स्वतन्त्रता ओ आवाजके क्रान्तिकारी ढोका टे खोलल मने साथमे सामाजिक संरचनामे हुइल तीव्र परिवर्तनसे सकारात्मक परिवर्तनसँगै अदृश्य मनोवैज्ञानिक आतंक फेन सिर्जना करल । यी आतंक केवल व्यक्तिके किल नैहोके पूरे समाजके मानसिक संरचना हिलल अवस्थामे पुगाइठ । यी परिवर्तनके बिचमे समाज ओ व्यक्तिके गहिर मनोवैज्ञानिक संक्रमण बा । जहाँ ममनै रहै, अपराधबोध, असुरक्षा ओ अनिश्चिततामे बाचल बा । समानता ओ अधिकार स्थापना हुइना किल अन्तिम लक्ष्य नैहो । मनोवैज्ञानिक शान्ति,

साभार: गोरखापत्र दैनिकसे

जरूरी टेलिफोनके प्रायोजक: हमार यहाँ बोलर मुर्गिनके मास सुपथ मोलमे मिलठ । सेवा कर्ना मौका अवश्य देइवी । <i>नोट : भोजविहा, व्रतवन्धके लाग होम डेलिभरीके सुविधा बा ।</i> प्रो.रमेश चौधरी केभी मासु पसल बेयावेहडी चौक, धनगढी कैलाली शाद उमावि लगे मो. ९८११६३५६८० एक्जुलेन्स नम्बर ९८२४६८९६१७, ९८५८४३७०१८, ९८१४६०८०५६, ९८१४६८००६८, ९८१४६६०२८५ प्रहरी अञ्चल प्रहरी कार्यालय ०९१- ४२१३०१ जिला प्रहरी कार्यालय ०९१-४२११५०,१०० वडा प्रहरी कार्यालय ०९१-४२१२९१,११०	नेपाल अतरीया ०९१-४५०१२२ त्रिनागर प्रहरी चौकी ०९१-४२११८३ जिल्ला प्रहरी कार्यालय ०९१-४२११४३ इपुका मसुरिया ०९१-४०२०१४ इपुका चौमाला ०९१-६९२४७१ इपुका लक्की ०९१-४७०१९९ इपुका भजनी ०९१-४८०१९९ इपुका सुखुखड ०९१-४२९१६५ इपुका मालाखेती ०९१-४५०१२२ इपुका फल्दरे ०९१-६९०३३० इपुका हसुलिया ०९१-४२९१४५ इपुका पाण्डौल ९७४९०१४९०५ सिमा प्रहरी चौकी बहुलिया ०९१-४२९२०६ इपुका टीकापुर०९१-४६०१९९ स.प्र.वल सिमासुरक्षा धनगढी ४२६९२८ बैक नेपाल राष्ट्र बैक ०९१-२१३२२ नवजिवन बैक ०९१-४२३६४३ कृषि विकास बैक ०९१-४२९३३५ मालिका विकास बैक०९१-४२३७३८ बैक अफ काठमाण्डौ ०९१-४२३३८६ बैक अफ एशिया ०९१-४२४६४०	नेपाल बलादेश बैक ०९१-४२१७८५ सिटिजन बैक ०९१-४२७८८५ कुमारी बैक ०९१-४२६०३८ संसारईज बैक ०९१-४२४८४० नेपाल इन्वैसमेन्ट बैक०९१-४२३७०६ एनएमबी बैक लि.०९१-४२९२९६ सरकारी कार्यालय जिल्ला प्रशासन .०९१-४२११०१ जिल्ला विकास .०९१-४३२४६० नगरपालीका .०९१-४२१४२९ मालपोत.०९१-४२१२०१, नापी शाखा.०९१-४६०४०२ कृषि विकास .०९१-४२२२४५, भूमि सुधार.०९१-४२९२२४ जिल्ला हुलाक.०९१-४२११४७, नेपाल बाल संगठन: ४३६६६५ अस्पताल सेती अञ्चल.०९१-४२९२७१ नवजिवन ०९१- ४२९२३३/४२९७३३ विजय मेडिकल हल धनगढी ०९१-४२३४३५ पद्मा धनगढी ०९१-४५०३३५ सेवा लिडिङ होम अतरीया ०९१-४५७७१७ एम्बुलेन्स मसुरिया ९७४९०१८०८१ घोडाघोडी अस्पताल सुखड०९१-६९४७०७ टीकापुर अस्पताल ०९१-४६०१४०	दमकल १०१ नेपाल रेडक्रस सोसाईटी ०९१-४२१३३३ कैलाली उ.वा.संघ ४२१३३७, ४२३९७१ एम्बुलेन्स : ४२१६०० सामुदायिक एम्बुलेन्स सेवा टीकापुर ९८४५४७४७० विद्युत : ४२११४५ दिनेश मेडल ०९१-४२९३९२ होटल क्रिओटी ०९१-४२३९९८/४२३९९९ जगदम्बा०९१-४२३५९०, बिआ०९१-४२३७३ तरुण ०९१-४२४६९३, सान्लाईट०९१-४२९४३६ वर्ल्ड लिंक धनगढी :४२०१४१ नालुपलाज०९१-४२२८३०/४२२९१२ नेपाल पत्रकार महासंघ :४२७१२२ शैक्षिक संस्था कैलाली बहुमुखी क्याम्पस ०९१-४२९२२३ सुदूरपश्चिमाञ्चल क्याम्पस ०९१-४२३९१२ ऐश्वर्य बहुमुखी क्याम्पस ०९१-४२९०७९ राजनैतिक पार्टी नेपाली कांग्रेस कार्यालय : ४२७११४ नेकपा (एमाले) कार्यालय : ४२७११० बसपाके काउन्टर धनगढी : ०९१-४२९०७२ एफ.एम दिनेश एफ एम ९३.८ मेगाहर्ट्ज धनगढी: ०९१-४२६०७१
--	--	--	--

पर्यटकसे एक महिनामे दुई लाख २७ हजार राजस्व संकलन

कञ्चनपुर, २५ अगहन । शुक्लाफाँटा राष्ट्रिय निकुञ्जसे चालु आर्थिक बरसके एक महिनामे दुई लाख २७ हजार पर्या-पर्यटन शुल्क उठाइल बा । निकुञ्जसे चालु आर्थिक बरसमे कुँवार महिनासे सफारी खुला करलेसे फेन कात्तिक महिनामे आन्तरिक तथा बाह्य पर्यटकसे दुई लाख २७ हजार १२९ रुपियाँ राजस्व संकलन करल जनाइल हो ।

निकुञ्ज कार्यालयके सूचना अधिकारी पुरुषोत्तम बागले कुँवार महिनासे सफारी खुला करल रलेसे फेन आन्तरिक तथा बाह्य पर्यटक भर कात्तिक महिनायहोर घुमे आइल बटैलै । कात्तिक महिनामे २५० महिला ओ ३४८ पुरुष सहित ५९८ जाने निकुञ्ज क्षेत्रके अवलोकन करल उहाँ बटैलै । उक्त महिनामे पर्या-पर्यटनसे दुई लाख २७ हजार १२९ रुपियाँ राजस्व संकलन करल सूचना अधिकारी बागले बटैलै ।

ओस्टके, निकुञ्जके कार्यालयसे गत आर्थिक बरस २०८१/०८२ मे निकुञ्ज घुमे आइल तीन हजार ७२२ पर्यटकसे १९ लाख ५३ हजार ७७०



रुपियाँ राजस्व संकलन करल जनाइल हो । दुर्लभ वन्यजन्तु ओ वनस्पतिके लाग प्रसिद्ध रहल शुक्लाफाँटा राष्ट्रिय निकुञ्ज घुमक लाग टमान मुलुकसे पर्यटकहरु अडना करल बटै ।

निकुञ्जके सूचना अधिकारी बागले गत आर्थिक बरसके वैशाख महिनामे अत्यधिक पर्यटक निकुञ्ज क्षेत्रके अवलोकन करल बटैलै । उहाँके उक्त महिना ३२४ महिला ओ ४७६ पुरुष सहित आठ सय पर्यटक निकुञ्जमे घुमे आइल रहित । ओइनसे तीन लाख रुपियाँ

राजस्व संकलन हुइल निकुञ्जके कार्यालय जनैले बा ।

निकुञ्ज कार्यालयके अनुसार, गत आवके फागुन महिनामे २११ महिला ओ २४९ पुरुष पर्यटक शुक्लाफाँटा क्षेत्रमे अवलोकन करे आइल रहित । जिहीसे दुई लाख २७ हजार ८१० रुपियाँ पर्यापर्यटन शुल्क उठल निकुञ्जके कार्यालय जनैले बा ।

ओस्टके, गत आवके पुस महिनामे दुई सय ३२ महिला ओ चार पुरुष पर्यटक निकुञ्ज घुमे आइल रहित । ओइनसे

एक लाख ५० हजार ७०९ रुपियाँ राजस्व संकलन हुइल रहे ।

निकुञ्ज कार्यालयके अनुसार, गत आवके कात्तिक महिनामे ३२६ पर्यटक निकुञ्ज क्षेत्रके अवलोकन करल रहित । जौनवापत निकुञ्जसे एक लाख ६१ हजार ८१५ रुपियाँ राजस्व संकलन हुइल जनाइल हो । ओस्टके, अगहनमे ३८९ पर्यटकसे एक लाख ८७ हजार ६११, माघमे २७१ पर्यटकसे एक लाख ६१ हजार १०२, चैतमे ५२० पर्यटकसे तीन लाख ७९ हजार ७७०, गत आवके जेठमे ४२३ पर्यटकसे दुई लाख ८४ हजार २४८ ओ असारमे १११ पर्यटकसे ९० हजार ७५२ रुपियाँ पर्या-पर्यटन रकम प्राप्त हुइल निकुञ्ज कार्यालयके सूचना अधिकारी बागले बटैलै ।

उहाँके अनुसार, गत आवमे सार्क मुलुक ओ विदेश सहित एक हजार ६ सय महिला ओ दुई हजार पुरुष निकुञ्ज क्षेत्रके अवलोकन करल रहित ।

निकुञ्ज कार्यालयसे निकुञ्ज क्षेत्रमे घुमे अडइया पर्यटकसे शुल्क उठैटी आइल बा । कार्यालयके अनुसार, आन्तरिक पर्यटकसे एक सय रुपियाँ, सार्क मुलुकके पर्यटकसे आठ सय ओ बाह्य मुलुकसे घुमे अडइया प्रति पर्यटके १५ सय शुल्क टोकल बा । यकर साथे निकुञ्जसे पर्यटकहरुनहे घुमैना प्रयोग करजैना सवारीवाफत फेन शुल्क उठैटी आइल बा ।

शुक्लाफाँटा राष्ट्रिय निकुञ्ज बाहसिगाके प्रख्यात मानजाइठ । ढेर भुन्डमे अक्के स्थानमे बाहसिगा देखे सेकजैना हुइलेसे फेन टमान मुलुकसे पर्यटक अवलोकन करक लाग यहाँ अडना करल निकुञ्जके प्रमुख चन्द्र शेखर चौधरी बटैलै ।

मुलुकके सबसे विशाल घाँसे मैदानसमेत रहल बटैटी उहाँ यहाँके जैविक विविधता संरक्षण कैंना प्रमुख लक्ष्य रहल बटैलै । पर्यटकहे निकुञ्ज अवलोकनके क्रममे कौनो समस्या परलेसे ठाउँठाउँमे राखल चेक प्वाइन्टसे सहयोग उपलब्ध हुइना करल बा ।

जमिन खाली करैना पत्राचार



पहुरा समाचारदाता घोडाघोडी, २५ अगहन । कैलालीके एक विद्यालयके जग्गा लम्मा समय उपभोग कैके भाडा नैटिरलपाछे उ जग्गा खाली कराइक लाग संघीय सरकारके शिक्षा, विज्ञान तथा प्रविधि मन्त्रालयसे गृह मन्त्रालयहे पत्राचार करल बा ।

घोडाघोडी नगरपालिकाके मुटु मानजैना वडा नम्बर १ सुखडस्थित राष्ट्रिय माध्यमिक विद्यालयके जमिनमे २२ बरससे स्थानीय भाडामे व्यापार तथा बसोबास कैटी आइल बटै । सुखड बजारके आधासे ढेर जमिन विद्यालयके नाउँमे बा । राष्ट्रिय माध्यमिक विद्यालयके नाउँमे रहल सुखडके पूर्वी क्षेत्रके कित्ता नम्बर २५१ के एक विधा १२ कट्ठा क्षेत्रफल रहल जग्गा लम्मा समयसे व्यापारी घरटहरा बनाके विद्यालयहे भाडा टिर्ना सतमे बैठलेसे फेन हालसम भाडा फेन टिरल नैहुइल, जग्गा फेन खाली करल नैहुइल । उ जग्गा खाली करक लाग शिक्षा मन्त्रालयसे गृह

मन्त्रालयहे समन्वयके लाग पत्र पठाइल शिक्षा मन्त्रालयके उपसचिव कृष्णचन्द्र पोखरेल बटैलै ।

सोम्मारके पठाइल पत्रमे लम्मा समयसे विद्यालयमे टिरे पर्ना रकम नैटिरल ओरसे टमान मितिमे सम्मानित अदालतसे हुइल आदेश अनुसार जग्गा खाली नैकैके सरकारी जमिन कब्जा कैके बैठटी रहल उ जग्गा खाली कैके विद्यालयसे उपयोग कैना कार्यमे आवश्यक समन्वय कैडेना अनुरोध करल उहाँ बटैलै । शिक्षा मन्त्रालयके सचिवस्तरके निर्णयसे गृह मन्त्रालय अनुरोध करल उपसचिव पोखरेल जानकारी डेलै । १७० जाने व्यापारी तथा बसोबासके लाग प्रयोग हुइल जमिनके कुछ नियमित भाडा टिर्नी आइल रलेसे फेन ढेर जैसिन लम्मा समय भाडा नैटिरल रेकर्ड विद्यालयमे रहल बा । विद्यालयसे भाडा उठ्ना बाँकीके सूची विद्यालयसे बेला बेला सार्वजनिक कैटी भाडा उठैना ताकिता कैलेसे फेन भाडा उठे नैसेकल विद्यालय व्यवस्थापन

किसान बहुउद्देश्यी...

५१ करोड ७१ लाख, जगडा कोष करिब ३५ करोड ७३ लाख, कुल बचत करिब ४ अर्ब ८८ करोड, कुल सम्पति करिब ७ अर्ब १२ करोड, लगानीमे रहल कर्जा करिब ५ अर्ब १२ करोड, टमान कोषके जम्मा रकम करिब ७४ करोड ६१ लाख, कुल शेयर सदस्य संख्या ९२ हजार ४१५ ओ कर्मचारी ३०७ जाने रहल उहाँ जनैले ।

३१औं वार्षिक साधारण सभाके अवसरमे एसइयमे उत्कृष्ट हुइल युवराज दुडगाना, इस्मा चौधरीहे नगद पाँच हजार सम्मान कैगिल बा । उ सम्मान दिपेन्द्र माविके प्रअ विनोद भट्टराई हस्तान्तरण करल रहित ।

ओस्टके उत्कृष्ट शेयर सदस्य राजकुमारी चौधरी, भद्र बडैला, मंजिलाकुमारी चौधरी, कोपिला चौधरी ओ राम प्रसादी चौधरीहे सम्मान कैगिल बा ।

ओस्टके जन्मसे मरणोपरान्तसम किसान कोष अन्तगत कर्जा मिनाह सुविधा अन्तगत गोसिया निधन हुइलपाछे सीतादेवी चौधरीके कर्जा २ लाख ३९ हजार १७८ रुपया ओ गीता देवी चौधरीके गोसिया निधन हुइलपाछे २ लाख ८ हजार रुपया मिनाह हुइल चेक गाउँपालिका उपाध्यक्ष भगवतीकुमारी चौधरी हस्तान्तरण करल रहित ।

उत्कृष्ट केन्द्र सम्मानितमे १५३० केन्द्र नम्बर भावना किसान महिला विकास केन्द्र कैलारी-४ के गाउँहे, ८८३ नम्बर केन्द्र शान्ति किसान महिला विकास केन्द्र कैलारी-३ रहल बटै ।

किसान बहुउद्देश्यी सहकारी संस्था लिमिटेड हसुलिया इकाईके ३१औं वार्षिक साधारण सभा संचालक समिति सदस्य पतिराम चौधरीके अध्यक्षतामे हुइल रहे । कार्यक्रमके संचालन हसुलिया शाखाके प्रमुख सुरेश चौधरी ओ स्वागत मन्तव्य लेखा सहायत रामप्रसाद चौधरी करल रहित ।

पत्राचार

समितिके अध्यक्ष खगेन्द्र हमाल बटैलै ।

विद्यालयके रेकर्डमे करिब डेढ करोड रुपियाँ भाडा उठ्ना बाँकी देखजाइठ । अक्के व्यक्ति चार लाखसे छ लाखसम भाडा टिर्ना बाँकी रहल उहाँ बटैलै । अध्यक्ष हमाल विद्यालयके सम्पत्ति प्रयोग कैके सर्त अनुसार भाडा नैबुझइयासे भाडा उठैना तथा जमिन खाली कैना प्रक्रियाके लाग अदालतसमेत गैल फेन बटैलै । विद्यालयके जग्गामे संरचना बनाके व्यापार व्यवसाय तथा बसोबास करल ओरसे विद्यालय प्रयोजनके संरचना निर्माणमे कठिनाइ हुइल बा ।

२०७५ सालमे सुदूरपश्चिम प्रदेशके एक नमुना विशेष विद्यालय सञ्चालनके लाग उ विद्यालयमे सरकारके बरवार योजना परल रलेसे फेन विद्यालयके जग्गा खाली नैहोके काम ढिला सुरु हुइल बा ।

मोटरसाइकलको फाइल तथा ब्लुबुक हराएको सूचना

मिति २०८२/०८/११ गते धनगढीस्थित काफली अटोमोटिभ्सको नाममा रहेको से ६ प २६२२ नम्बर रातो रंगको Apache RTR 160 2V मोटरसाइकलको इन्जिन नम्बर DE4HH2148645, र चेसिस नम्बर MD634KE45H2K46432 र मोडेल नम्बर २०१७ भएको गाडीको फाइल सवारी दर्ता किताब ब्लुबुक हराएको हुँदा पाउनुहुने महानुभावहरुले सम्बन्धित व्यक्ति वा नजिकैको प्रहरी कार्यालयमा बुझाई दिनहुन अनुरोध छ ।

सम्पर्क : काफली अटोमोटिभ्स, धनगढी, कैलाली

अन्तर्राष्ट्रिय

पाकिस्तानके पूर्व गुप्तचर प्रमुखहे १४ वर्ष जेल सजाय



काठमाडौं, २५ अगहन । पाकिस्तानके सैन्य अदालतसे पाकिस्तानके शक्तिशाली “इन्टर-सर्भिस इन्टेलिजेन्स जासूसी” एजेन्सीके पूर्व प्रमुखहे राज्यके गोप्यताके उल्लंघन ओ अख्तियारके दुरुपयोग लगायतके अभियोगमे १४ वर्षके जेल सजाय सुनाइल सेना बिफके रोज जनैले बा ।

जेलमे रहल पूर्व प्रधानमन्त्री इमरान खानके कार्यकालमे सेवा करल फैज हिमिदहे राजनीतिक गतिविधिमे संलग्न रहल व्यक्तिहे गलत क्षति पुगाइल अभियोगमे दोषी ठहर करल सेना विज्ञिति माफत जनैले बा । सन् २०२३ मे प्रकाशित सर्वोच्च अदालतके कागजातअनुसार, फैज हिमिदउप्पर शक्तिके दुरुपयोग ओ निजी व्यवसायमे छापामारल आरोप लगाइल बा ।

गुप्तचर प्रमुखहे पाकिस्तानी सेनाके दोसरे सबसे शक्तिशाली पद मानजाइठ । “लम्मा कानुनी कार्यवाहीपाछे अभियुक्ते सब अभियोगमे दोषी ठहर कैके अदालतसे १४ वर्षके कारावासके सजाय सुनाइल विज्ञितिमे जनाइल बा । विज्ञके अनुसार फैज हिमिद इमरान खानके कट्टर समर्थक रहे, यिहिनहे कुछ शीर्ष नेताके समर्थन गुमाइलपाछे अविश्वास मतसे हटाइल रहे ।

सेना प्रमुखके प्रतिष्ठित पदके लाग दावेदारके रूपमे रहल जनरल, फैज हिमिद खान सत्ता गुमाइल कुछ महिनापाछे प्रारम्भिक सेवा निवृत्ति लेहल जनाइल बा । यी लगते उहाँहे पाकिस्तानी सेना ऐन उल्लंघन करल फेन आरोप लगाइल रहे ।

श्रम तथा रोजगार कार्यालयको जनहितमा जारी सन्देश

- श्रम तथा रोजगार कार्यालयको जनहितमा जारी सन्देश
- रोजगार सम्झौता गरेर मात्रै काममा लागौ र लगाऔ ।
- औपचारिक तथा अनौपचारिक क्षेत्रका सम्पूर्ण श्रमिकको न्यूनतम ज्याला रु. १९,५५०/- अनिवार्य रूपमा कायम गरौ/गराऔ ।
- समान कामको समान ज्याला लैगिक आधारमा पारिश्रमिकमा विभेद गर्नु कानूनी अपराध हो ।
- कार्य स्थलमा श्रमिकलाई सुरक्षाका उपकरणहरु उपलब्ध गराई काममा लगाऔ, लैगिक हिंसाको अन्त्य गरौ ।
- बालश्रम कानूनी रूपमा दण्डनिय अपराध हो । बालश्रम नगरौ/नगराऔ ।
- श्रम अडिट प्रत्येक वर्षको पौष मसान्तभित्र अनिवार्य रूपमा पेश गर्नु गराउनु उद्योग/प्रतिष्ठानको कर्तव्य हो अन्यथा नियमानुसार कारवाही गरिने छ ।
- असल श्रम सम्बन्धको आधार सामाजिक सुरक्षा र रोजगार औद्योगिक दुर्घटना न्यूनीकरण गरौ व्यवसायजन्य रोग लापनबाट बचौ ।
- श्रम ऐन, २०६४ र नियमावली, २०७५ को पूर्णरूपमा कार्यान्वयन गरौ ।
- वैदेशिक रोजगारीमा जाँदा अनिवार्यरूपमा श्रम स्वीकृति गरेर जाऔ ।



श्रम तथा रोजगार कार्यालय

धनगढी, कैलाली

सुदूरपश्चिम प्रदेशको अत्याधुनिक सुविधा सम्पन्न हस्पिटल

Hasanpur, Dhangadhi-5, Kailali, Nepal

091-527000/01/02, 9865680100, 9804600745

www.nisargahospitalnepal.com / nisargahospitalnepal

Advanced Healthcare for all.

निसर्ग हस्पिटल

ग्रुण्ड रिसर्च सेन्टर प्रा.लि.

विशेषज्ञ डाक्टर तथा ओ.पि.डी सेवाहरु

जनरल फिजियन (पेट, छाती, मुटु) रोग विशेषज्ञ	रेडियोलोजी विशेषज्ञ	न्युरो, मसिष्क, नशा तथा मेरुदण्ड रोग विशेषज्ञ	हाडजोर्नी तथा स्पोर्ट्स फिजियोथेरापिस्ट
हाडजोर्नी तथा नशारीय रोग विशेषज्ञ	जनरल तथा ल्याप्रोस्कोपिक सर्जन	स्त्री तथा प्रसूति रोग विशेषज्ञ	नवजात शिशु तथा बालरोग विशेषज्ञ
नाक, कान, घाँटी तथा थाइरोइड रोग विशेषज्ञ	एनेस्थेसिया तथा क्रिटिकल केयर विशेषज्ञ	मुख, अनुहार तथा बढाया विशेषज्ञ	मानसिक तथा नशा रोग विशेषज्ञ
छाला, यौन, कुष्ठरोग तथा सौन्दर्य विशेषज्ञ	मृगौला तथा मुत्ररोग विशेषज्ञ	मुटु रोग विशेषज्ञ	

“लैङ्गिक समानताके लाग समान सोच ओ व्यवहार: समृद्धिके आधार”

‘विकास निर्माणमे लापवाही सह्य नैहुइ’

पहुरा समाचारदाता

धनगढी, २५ अगहन । सुदूरपश्चिम प्रदेशके मुख्यमन्त्री कमलबहादुर शाह विकासनिर्माणमे ढिलासुस्ती ओ लापवाही प्रदेश सरकारहे सह्य नैहुइना बटैले बटै ।

धनगढीमे हुइल बहुवर्षीय आयोजनाके प्राति समीक्षा गोष्ठीमे उहाँ बजेट दुरुपयोग, लापवाही, बहानाबाजी सह्य नैहुइना बटाइल हुइत । कुछ दिनआधे अछाम ओ बाजुरामे सञ्चालनमे रहल आर्थिक बरस २०७५/७६ से समस्याग्रस्त आयोजना अनुगमन करल उहाँ पूर्वाधार निर्माणमे ढिलासुस्ती कैना कुहीहे फेन छुट नैहुइना जिकिर करल रहित ।

“समयमे काम नैकरइया ठेकेदारहे आब छुट नैहुइ,” मुख्यमन्त्री शाह कहलै, “जनताके अपेक्षाविपरीत आयोजना अलपत्र पर्ना निर्माण कम्पनी होए वा मन्त्रालय अन्तर्गतके कार्यालय, जेकोहीहे फेन कानुनी कारबाही हुइ ।” विकट



बाजुरामे लम्मा समयसे सडक आयोजना अलपत्र रहल मुख्यमन्त्रीके कहाइ रहे । उहाँ आयोजना समयमे सम्पन्न कैना, गुणस्तरयुक्त निर्माण ओ स्थानीयमे विश्वास जगैना मेरके काम कैना निर्देशन देहल रहित । योजना सुपरिवेक्षण, अनुगमन तथा समस्याके समाधानके लाग प्रदेश सरकार पूर्ण रूपमे जिम्मेवार रहना मुख्यमन्त्री शाहके कहाइ रहे । उहाँ मार्तडी-कोल्टी रोडमे गैल पहिरो

व्यवस्थापनसहित आवागमन सहज बनैना निर्देशन देहल रहित ।

समीक्षा कार्यक्रममे अछाम, बाजुरामे निर्माणाधीन मार्तडी-कोल्टी-पिलिचौर सडक, सेरा-आँटीचौर-थामलेक, जयगढ-भाभेठाना-रामारोशन, चिसापानी-जंगलघाट-बडीमालिका (जंगलघाट-तुर्खाँद-बाँसकाँडा खण्ड) समयमे सम्पन्न करे पर्ना जोड देहल रहित । ओस्टके खप्तड-मार्तडी-भौनेरा-

आँटीचौर सडकखण्ड, खप्तड-मार्तडी-डोगडी-गैरीखाँद-काँडा, विनायक-लयाटी-पुलैतोला-रामारोशन, चिसापानी-जंगलघाट- बडीमालिका-गरीटाँड-कालागाउँ-दर्ना, साँफे-नन्देगडा-मेल्लेख-पोडषा-ऋषिदह सडक समयमे पूरा करे पर्ना बारे छलफल करल रहे ।

पूर्वाधार विकास कार्यालय अछाममार्फत निर्माण हुइटी रहल यी सडक निर्माणके लाग वज्रगुरु कन्स्ट्रक्सन कम्पनी प्रालि काठमाडौं, अनक जयदेवी जेभी नेपालगन्ज बाँके, पिएस बानियाँ जेभी हेटौँडा मकवानपुर, बानियाँ-कुशेश्वर जेभी हेटौँडा मकवानपुर, बानियाँ निर्माण सेवा प्रालि मकवानपुरसे ठेक्का पाइल बा । ओस्टके केएसएम-केबिसी/तेज जेभी धनगढी, शनिदेव निर्माण सेवा प्रालि महेन्द्रनगर ओ नाति कन्स्ट्रक्सन प्रालि इमाडोल ललितपुर निर्माणके जिम्मा पैले बावै ।

छलफलमा निर्माण व्यवसायी मुआब्जासम्बन्धी समस्या, घरटहरा व्यवस्थापनमे कठिनाइ, न्यून जनशक्ति, जग्गाजमिन प्राप्तिके समस्याके कारण निर्माणमे ढिलाइ हुइना करल जिकिर करल रहित । ओस्टके निर्माण सामग्रीके मूल्यवृद्धि तथा आर्थिक मन्दी, वन क्षेत्रसम्बन्धी विवाद तथा भौगोलिक विकटतालागतके कारण समयमे आयोजनाके काम पूरा हुइ नैसेवना करल ओइनके कहाइ रहे । पूर्वाधार विकास कार्यालय अछामसे कार्यक्रमके आयोजना करल रहे ।

कञ्चनपुरके हुलाकी राजमार्ग खण्डके ठेक्का रद्द

कञ्चनपुर, २५ अगहन । हुलाकी राजमार्गअन्तर्गत मोहना लडिया-डोकेबजार-बेलौरी-बेलडाँडी-दैजी सडक खण्ड निर्माणके ठेक्का रद्द करल बा । सडक विभाग मातहतके हुलाकी राजमार्ग निर्देशनालयअन्तर्गत योजना कार्यालय धनगढीसे बिफेक रोज सार्वजनिक सूचना जारी कैटी बाबा हन्स-सिद्धीसाई संयुक्त उपक्रम (जेभी), काठमाडौंसँग करल ठेक्का सम्झौता औपचारिक रूपमे अन्त्य हुइल जानकारी देहल हो ।

घरी घरी ताकेता करलेसे फेन काम नैकरल, सम्झौताअनुसारके प्रतिबद्धता पूरा नैकरल ओ निर्माण स्थल लम्मा समयसे ठप्प पारल कारण ठेक्का टुरल कार्यालय जनैले बा । यकरसँगै निर्माण व्यवसायीके कार्य सम्पादन जमानत जफत कैना ओ बाँकी काम पूरा कैना लगना रकम सरकारी बाँकी सरह असुल कैना उल्लेख करल बा ।

गत १४ कात्तिकमे ‘ठेक्का किन नतोइने?’ कहटी योजना कार्यालयसे १५

दिने स्पष्टीकरण मागल रहे । मने व्यवसायीसे पेश करल स्पष्टीकरण चित्तबुझ्तीक नैपरलपाछे सार्वजनिक खरिद ऐनअनुसार ठेक्का रद्द करल सूचनामे स्पष्ट करल बा । अद्यावधिक कार्यतालिका, स्रोत परिचालन योजना तथा कार्य सम्पन्न कैना विश्वसनीय प्रतिबद्धता पेश नैकरल, अधिकृत प्रतिनिधि समेत उपस्थित नैहुइल ओ काम सुचारु कैना कोणसे तदारकता नैदेखल कार्यालयके निष्कर्ष रहल बा ।

कार्यालयसे निर्माण व्यवसायीहे १५ दिनभितर उपस्थित होके नापजाँच तथा वित्तीय फरफारक पूरा कैना आग्रह करले बा । निर्धारित समयभितर उपस्थित नैहुइलमे कार्यालयसे एकतर्फी नापजाँच कैना चेतावनी फेन डेले बा । सडक स्तरान्तिके लाग आर्थिक वर्ष २०७३-७४ मे ठेक्का सम्झौता हुइल रहे । करिब २० किलोमिटरमध्ये ५ किलोमिटर किल कालोपत्रे बाँकी रहल बा । हालसम कुल निर्माण प्रगति करिब ८२ प्रतिशत रहल बा ।

मालपोत कार्यालय, बेलौरी, कञ्चनपुरको हकदावी सम्बन्धी ३५ दिने सार्वजनिक सूचना

मिति: २०८२/८/२३

जिल्ला कञ्चनपुर लालभाडी गाउँपालिका वडा नं. २ साविक वाइसीबिचवा गा.वि.स. वडा नं.३ बस्ने शंकर राना थारुको नाति छत्तर रानाको छोरा वर्ष ६५ को ठालु रानाले दिएको निवेदन बमोजिम निजकी मृतक आमा कलसावति रानाका नाउँमा एकलौटी दर्ता श्रेस्ता कायम रहेको जिल्ला कञ्चनपुर साविक वाइसीबिचवा गा.वि.स. वडा नं.१ नक्सा सिट नं.०२६-०७१५ कित्ता नं. ३११ क्षेत्रफल ३७३५ व.मी. कित्ता जग्गाको ज.ध. पुर्जा र श्रेस्तामा निज ठालु रानाको मृतक ज.ध. आमाको नामथर कलसावति राना र नेपाली नागरिकता प्रमाणपत्र र मृत्यु दर्ता प्रमाणपत्रमा नामथर कैलासो राना उल्लेख भएकोले मेरी मृतक ज.ध. आमाको नेपाली नागरिकता बमोजिम वास्तवमा आमाको नामथर कैलासो राना कायम/संशोधन गरिपाउँ भनि निवेदन यस कार्यालयमा पेश गरेको ।

साथै मेरी मृतक आमा ज.ध. कलसावति रानाको नाउँ दर्ताको जग्गाधनी प्रमाण पुर्जा, मालपोत बुझाएको रसिद, जग्गाधनीको नेपाली नागरिकताको प्रतिलिपि र मृत्यु दर्ता प्रमाणपत्र र जिल्ला कञ्चनपुर लालभाडी गाउँपालिका २ नं. वडा कार्यालयको च.नं. २५८ मिति २०८२/०८/१० गतेको प्राप्त सिफारिस पत्रानुसार म निवेदक ठालु राना मेरी मृतक आमा ज.ध. कलसावति रानाको नाउँमा दर्ता कायम रहेको माथि उल्लिखित कित्ता जग्गाको ज.ध. पुर्जा र श्रेस्तामा कायम रहेको नामथर कलसावति राना र नेपाली नागरिकता र मृत्यु दर्ता प्रमाणपत्रमा कैलासो राना कायम भएकोले कलसावति राना/कैलासो राना एकै व्यक्ति भएको वा नभएको, हो/होइन र अन्य कसैको हकदावी कोही भए यो सूचना प्रकाशित भएको ३५ दिनभित्र आफूसँग भएको सबुत प्रमाणसहित यस कार्यालयमा हकदावी/सम्पर्क गर्न आउनुहोला । अन्यथा निवेदकको माग अनुसार कानून बमोजिम भै जानेछ । पछि कुनै किसिमको दावी उजुरी नलाग्ने बेहोरा समेत सर्वसाधारण सबैको जानकारीका लागि यो सूचना प्रकाशित गरिएको छ ।

ग्राहक वर्गहरूमा खुशीको खबर !

हाम्रो यहाँ सबै कम्पनीका रि-कण्डिसन मोटरसाइकलहरू पाइनुका साथै मर्मत पनि गरिन्छ र सबै कम्पनीका हेलमेट र पार्टसहरू थोक तथा खुद्रा मूल्यमा पाइन्छ ।

कुनै पनि मोटरसाइकल नगद खरिद गरेमा आकर्षक उपहारको व्यवस्था रहेको जानकारी गराउँदछौं ।



संजय अटो सेल्स एण्ड रि-कण्डिसन

धनगढी-४, उत्तरबेहडी (चटकपुर शहिद गेट भन्दा दुईसय मिटर पूर्व)

फोन नं. ०९१४०९०५, सुजित मो. ९८५८४२३९२, सुनिल मो. ९८६७७९३५२९, महेश मो. ९८१३१३१०२९

पेट, छाती, मुटु तथा थाईराइड विभाग

उपचार हुने रोगहरू

- उच्च रक्तचाप, दम तथा मुटु रोगको उपचार
- सुगर (मधुमेह), थाईराइड रोगको उपचार तथा परामर्श
- मिर्गी रोग, प्यारालाइसिस (पक्षाघात) तथा अन्य नशा सम्बन्धी रोगको उपचार
- छाती दुख्ने, पेट दुख्ने समस्याको उपचार
- ज्वरो आउने, टाउको दुख्ने तथा पुरानो जटिल रोगको उपचार तथा परामर्श
- सिकल सेलरोग तथा अन्य रगत कम (Anemia) को उपचार तथा परामर्श

२४ सै घण्टा आकस्मिक उपचार

ओ.पि.डी. सेवा प्रत्येक दिन (बिहान ८ देखि साँझ ५ बजेसम्म)



डा. सुमन चौधरी

MBBS, MD (KU)

NMC No. 15308

कन्सल्टेन्ट फिजिसियन



धनगढी

संजिवनी अस्पताल प्रा. लि.

९ (राष्ट्र बैंक चौक, धनगढी-५) ७ सम्पर्क नं. ०९१-५९०३२८, ९७६४२१२७२७, ९७६९९३२१०५

सुवर्ण अवसर ! सुवर्ण अवसर !! सुवर्ण अवसर !!!



कैलाली अस्पताल प्रा.लि

Provide Health Related Services

सेवाहरू:

- मधुमेह(सुगर)
- थाइराइड रोग
- पेट,मुटु तथा छातिरोग
- कलेजो रोग
- T.B, हेपाटाइटिस रोग
- ब्लडप्रेसर तथा हृदयरोग
- मोटोपना

डा. अकाश राउत

MBBS, MD (TU), Internal Medicine

Senior Consultant Physician

NMC NO. 20304

आउने समय : प्रत्येक दिन (२४ सै घण्टा)

डाक्टर आउने समय : प्रत्येक दिन, आकस्मिक सेवा (चिकित्सक) २४ घण्टा

हाम्रा सेवाहरू : १) २४ घण्टा ईमर्जेन्सी सेवा, फार्मसी सेवा, अत्याधुनिक प्याथोलोजी, रंगीन इण्डोस्कोपी, डिजिटल एक्सरे, रंगीन भिडियो एक्सरे, अत्याधुनिक अप्रेसन थियटरबाट सेवा, वातानुकूलन एम्बुलेन्स, वातानुकूलन क्याबिन । २) स्त्री रोग तथा प्रसूती सम्बन्धी सेवा (बोँभोपन, सेतोपानी बग्ने, तल्लो पेट दुख्ने, महिनावारी गडबडी, पाठेघर खस्ने, पाठेघरको अप्रेशन, गर्भवती तथा सुत्केरी सेवा) । ३) ल्याप्रोस्कोपी तथा जनरल सर्जरी (हाइड्रोसिल, हर्निया, पायल्स, फिस्टुला, स्तनमा गाँठागुठी आउने, शरिरका विभिन्न भागमा गाँठागुठी, घाउ खटिरा, पत्थरी, किडनीको पत्थरी, प्रोस्टेटको अप्रेशन तथा पित्तथैलीको पत्थरी अप्रेशन) । ४) हाड(जोर्नी) तथा नशा सम्बन्धी सेवा (हाटखुट्टा बाझ्ने, फ्याक्चर, हाडजोर्नीको दुखाई, कम्मर दुख्ने तथा अत्याधुनिक मेसिनबाट हड्डीको अप्रेशन)छाती, मुटु, कलेजो तथा पेट सम्बन्धी सेवा । ५) यौनरोग, कपाल तथा छाला रोग सम्बन्धी सेवा । ६) मानसिक तथा मनोरोग सेवा । ७) नाक, कान, घाँटी रोग सम्बन्धी सेवा । ८) सुर्छाँ पर्नु, टाउको दुख्ने जस्ता समस्याहरू, प्यारालाइसिस हाटखुट्टा नचल्ने सम्बन्धी सेवा । ९) न्यूरो (नशा रोग) लागुपदार्थ दुर्व्यसनी, कुलत सम्बन्धी, हाटखुट्टा भ्रमभ्रमाउने, छारे रोग । १०) आगोले पोलेको हाटखुट्टा बाझिएको र खुँडेको अप्रेशन आदि सेवा ।

कैलाली अस्पताल प्रा.लि

जिल्ला प्रशासन कार्यालय अगाडि, पशुपति टोल, धनगढी, कैलाली

फोन नं. ०९१-५२४५५५, ५२४६५४, ५२९२४९

